



25.09.2019

## Spelemidlar 2019 - Informasjon om søknad/søknadsskjema

Bremanger kommune vedtok plan for fysisk aktivitet gjeldande fra 2017. Planen ligg ute på kommunen sine heimeside. I planen ligg oversikt over ordinære anlegg som kan søke om spelemidlar i planperioden.

Nærmiljøanlegg kan søkast om utan at dei ligg inne i kommunedelplan.

Ein kan som før søkje spelemidlar til to kategoriar:

- Ordinære anlegg
  - nye anlegg
  - rehabilitering av anlegg
  - helseportanlegg
  - tilrettelegging av anlegg for funksjonshemma
- Nærmiljøanlegg

Når andre enn kommune og fylkeskommune står som søker til store kostnadskrevjande anlegg (investering og drift), vert det kravd særskild grundige planar for finansiering og drift av anlegget. Dersom planane ikkje er godt nok dokumentert, vert ikkje søknaden godkjent.

- **Godkjent søknad er ikkje ein garanti for at eit anlegg løyser ut spelemidlar.**
- **Søknad om spelemidlar skal leverast elektronisk på [www.idrettsanlegg.no](http://www.idrettsanlegg.no)**

### SØKNADER FOR 2019

Føresegne endrar seg noko frå år til år og endringane finn de på [www.idrettsanlegg.no](http://www.idrettsanlegg.no). Her finn de og søknadsskjema og brukarrettleiing for det elektroniske søknadsskjemaet. Skjema som skal nyttast som vedlegg (kostnadsoverslag, rekneskapsskjema osb.) er gjort slik at søker kan fylle informasjon direkte inn i skjema. Når søknaden er ferdig utfylt og alle vedlegg som er kravd er lagt inn, klikkar de på "Send søknad". Søknaden vert då sendt automatisk til Bremanger kommune/ved kultur, som kontrollerer denne og vidaresender til fylkeskommunen innan fristen.

Vi tilrår at dei som skal søkje om spelemidlar, set seg inn i bruken av elektronisk søknadsskjema i god tid.

Dersom anlegget de skal søkje spelemidlar til, ikkje er registrert tidlegare, må søkeren ta kontakt med kultursjefen for å få anleggsnummer. Bremanger kommune må registrere anlegget, før søker kan fylle ut søknaden og legge ved dei vedlegg som er kravd.

Frist for innsending til Bremanger kommune er i år sett til **15. november**.

### **IDRETTSFUNKSJONELL FØREHANDSGODKJENNING**

Alle anlegg skal ha en idrettsfunksjonell førehandsgodkjenning som ikkje er eldre enn to år. Søknad om slik godkjenning gjerast til teknisk eining ved Magnhild Myklebust. For at godkjenning kan gjevest må alle vedlegg følgje søknaden. Søknadsskjema finn du her: <https://bremanger.kommune.no/sd/skjema/BKO014/>

Ein må rekne om lag tre veker handsaming av søknad om idrettsfunksjonell førehandsgodkjenning.

**VED NY SØKNAD** på nytt anlegg/rehabilitering av anlegg, skal skjema fyllast ut og følgjande vedlegg følgje søknaden for at den skal bli godkjent:

Vedlegg 1 **Idrettsfunksjonelt førehandsgodkjende planar for anlegget med behovsoppgåve** (teknisk driftseining/kulturdepartementet)

Vedlegg 2 **Detaljert kostnadsoverslag** (skal vere sett opp slik at det let seg kontrollere). Totalkostnaden for anlegget skal oppgjevest (fordelt på kostnader med og utan rett til spelemidlar) Administrasjonskostnader, medreknar utgifter til revisjon, kan maksimalt utgjere 5% av godkjent kostnadsoverslag.

Vedlegg 3 **Finansieringsplan** – utgreiing og dokumentasjon for dei einskilde postane Finansieringsplanen skal gjere greie for og dokumentere finansieringa av dei samla kostnadene for anlegget.

- Eigenkapital skal stadfestast med kontoutskrift
- Kommunalt/fylkeskommunalt tilskot må vere stadfesta m/ kopi av vedtak
- Kommunal/fylkeskommunal garanti må vere stadfesta m/kopi av vedtak
- Private gåver/tilskot, rabattar, material o.l. skal vere stadfesta m/underskrive gåvebrev (kan nytte marknadspris, minus mva)
- Dugnadsarbeid, eige dugnadsoversyn. Skal reknast ut av ein kvalifisert fagperson.

Vedlegg 4 **Forvaltning, drift, vedlikehald og utviklingsplan m/budsjett**

Vedlegg 5 **Dokumentasjon på rett til bruk av grunn**

Kopi av tinglyst skøyte på tomt eller 40-årig leigeavtale med grunneigar

Når det gjeld søknad om spelemidlar til nærmiljøanlegg så er krava noko annleis, m.a. er det krav om 20-årig feste/leigeavtale.

**Kulturkontoret har satt av tysdag 30. oktober til å hjelpe til å fylle ut søknadar. Treng du hjelp til dette, kom innom denne dagen, så legg vi inn søknaden saman med dykk. Hugs at alle vedlegg må være klare før utfylling av søknad.**

#### **KRAV VED FORNYA SØKNAD**

Ved fornya søknad må søknaden leggast inn på nytt i årets søknadsrunde. Ein må gi ein status for framdrifta ved anlegget og gjerast greie for eventuelle avvik/endringar frå tidlegare innsendt søknad (kostnadsoverlag, finansieringsplan, driftsbudsjet m.v)

Gå elles inn på [www.idrettsanlegg.no](http://www.idrettsanlegg.no) for å sjå retningslinjer for søknad og tildeling av spelemidlar.

#### **SØKNADSFRIST til BREMANGER KOMMUNE: 15. NOVEMBER 2018**

Grete Berntzen  
Bremanger kommune  
Kultursjef

Bodil Strømmen Edvardsen  
Bremanger kommune  
Kulturkonsulent